



რელიგია არის გულწრფელობა

გადმოცემულია თამიმ ად-დაარისგან (აღლაჰი იყოს მისით კმაყოფილი), რომ შუამავალმა (აღლაჰის ლოცვა და მშვიდობა მას) თქვა: «რელიგია არის გულწრფელობა». ჩვენ ვკითხეთ: «ვის მიმართ?» მან თქვა: «აღლაჰის, მისი წიგნის, მისი მოციქულის, მუსლიმების ხელმძღვანელებისა და ზოგადად ყველა მუსლიმის მიმართ».

შუამავალმა (აღლაჰის ლოცვა და მშვიდობა მას) გვამცნო, რომ რელიგია დაფუძნებულია გულწრფელობასა და პატიოსნებაზე, იმისთვის, რომ მისი აღსრულება მოხდეს ისე, როგორც აღლაჰმა ბრძანა, სრულყოფილად, უგულვებლყოფის გარეშე და კეთილსინდისიერად. შუამავალს (აღლაჰის ლოცვა და მშვიდობა მას) ჰკითხეს: "რჩევა დარიგება ვისთვის"? და მან უპასუხა: პირველ რიგში: რჩევა დარიგების გამოხატვა დიდებული აღლაჰის მიმართ. ეს ვლინდება იმაში, რომ საქმეები სრულდება გულწრფელად მხოლოდ მისი გულისთვის, არ მიენიჭება მას თანამზრახველები, გამოვლინდება რწმენა ღვთაებრიობაში, უფლობაში და მისი ღვთაებრივი სახელებისა და თვისებების მიღებაში, ასევე მისი ბრძანებების განდიდებაში და სხვა ადამიანების რწმენისკენ მოწოდებაში. რჩევა დარიგება მისი წიგნისთვის და ის არის წმინდა ყურანი: ღრმად გვჯერა, რომ ის არის მისი სიტყვა და მისი ბოლო წიგნი, რომ მან (ყურანმა) გააუქმა მის წინა არსებული ყველა კანონმდებლობა, ვიკითხავთ მას შესაფერისი კითხვით და ვიმოქმედებთ მისი გადაწყვეტილებით, დავიჯერებთ მის მიმგვანებულ აიათებს (მუთაშაბიჰ), დავიცვათ მას დამახინჯებული განმარტებებისგან, ვისარგებლებთ მისი დარიგებით, გავავრცელებთ მის მეცნიერებებს და მოვუწოდოთ მისკენ. მესამე: რჩევა დარიგება შუამავალ მუჰამედს (აღლაჰის ლოცვა და მშვიდობა მას) შემდეგნაირად: გვჯერა, რომ ის ბოლო შუამავალია და გვჯერა იმის, რითაც მოვიდა ის, შევასრულებთ მის ბრძანებებს და გავერიდებით მის აკრძალულებს და არ ვეთაყვანებით აღლაჰს, გარდა იმისა, რითაც ის მოვიდა, განვადიდებთ მის უფლებას, გავამტკიცებთ მას და გავარცხლებთ მის მოწოდებას, გავავრცელებთ მის შარიათს და ვუარყობთ მასზედ მოგონილ ტყუილებს. მეოთხე: გულწრფელი რჩევა მუსლიმების მმართველებისადმი, მათზე დახმარება ჭეშმარიტებაში, კამათის მიტოვება მათი ბრძანების მიმართ, მათზე მოსმენა და მორჩილება აღლაჰის მორჩილებაში. მეხუთე: გულწრფელი რჩევა მისლიმებისადმი: კეთილად მოქცევა მათ მიმართ და მათი მოხმობა (ისლამის კანონისკენ), თავის შეკავება მათზე ზიანის მიყენებისგან, მათ მიმართ სიკეთის სურვილი და დახმარება სიკეთესა და ღვთისმოშიშობაში.

النجاة الخيرية
ALNAJAT CHARITY

